

SFS nr: 2009:600

Departemánnta/fábmudahka: **Kultuvrradepartemánnta**

Badjetjála: **Giellaláhka** (2009:600)

Almustuvvam: 2009-05-28

---

## Lága sisadno ja ulmme

1 § Dán lágan li biejadusá dárogiela, rijkalasj unneplågogielaj ja dáro siejvvemgiela birra. Lágan li aj biejadusá sebrudagá ávdåsvåsstådusá birra vaj máhttelisvuohta vatteduvvá aktugatttaj gielav ávkkít, ja giellaávkkima birra almulasj dájman ja rijkajgasskasasj bálij.

2 § Lága ulmme la diededit dárogiela ja ietjá gielaj sajev ja ávkkimav svieriga sebrudagán. Lága ulmme la aj dárogielav ja giellamoattevuodav Svierigin suoddjit ja aktugattja máhttelisvuodav gielav ávkkít.

3 § Jus ietjá lágan jali biejadusán la soames biejadus mij dát lágas tjuolldas, de dat biejadus la fámon.

## Dárogiella

4 § Dárogiella l oajvvegiellan Svierigin.

5 § Oajvvegiellan la dárogiella sebrudagá aktisasj giella, mav gájkka Svieriga årro galggi oadtjot ávkkít ja mav galggá gájkka sebrudakdájmajn máhttet ávkkít.

6 § Sebrudagán la sierra ávdåsvåsstådus vaj dárogiella ávkkiduvvá ja ávdeduvvá.

## **Rijkalasj unneplåggiella**

7 § Rijkalasj unneplåggiella li suomagiella, jiddisj, meāngiella, románagiella ja sámeagiella.

8 § Sebrudagán la sierra ávdásvástádus rijkalasj unneplåggielajt suoddjit ja ávdđánahttet.

## **Dáro siejvvemgiella**

9 § Sebrudagán la sierra ávdásvástádus dáro siejvvemgielav suoddjit ja ávdđánahttet.

## **Giellaadnem almulasj dájman**

10 § Dárogiella l giellan duobbmóstávláj, tjuottjudusfábmudagáj ja ietjá orgánajn ma almulasj dájmanj bargojt állidi.

Ietjá lágan gávnnuji sierra biejadusá riektá birra rijkalasj unneplåggielajt ja ietjá nuorttarijkak gielav ávkkit.

Mij gullu duobbmóstávláj ja tjuottjudusfábmudagáj vālggogisvuohtaj dālkāv gāhttjot ja ássjetjāllagijt jārggālit gāvnnuji sierra biejadusá.

11 § Giella almulasj dájman galggá tjábbe, álkke ja dādjadahtte.

12 § Fábmudagáj la sierra ávdásvástádus vaj dáro terminologiddja ietjasa sierralágásj fáhkkađajmanj gávnnu, addnu ja ávdeduvvá.

## **Dárogiella rijkajgasskasasj bálij**

13 § Dárogiella l Svieriga almulasj giella rijkajgasskasasj bálij.

Dárogiella sadje almulasj giellan Europa uniāvnān galggá suoddjiduvvat.

## Aktugattja máhttelisvuoda gielav ávkkít

14 § Juohkka Svieriga árruj galggá máhttelisvuodav vaddet dárogielav oahppat, ávdedit ja ávkkít. Dan nali galggá

1. gut rijkalasj unnepláhkuj gullu, máhttelisvuodav vaddet unneplågogielav oahppat, ávdedit ja ávkkít, ja

2. gut la bieljedibme jali gánna bielljevahák la ja gánna ietjá árijs la siejvvemgielladárbbu, máhttelisvuodav vaddet dáro siejvvemgielav oahppat, ávdedit ja ávkkít.

Gánna l ietjá iednegiella gå giela ma diededuvvi vuostasj biehken galggá máhttelisvuodav vaddet iednegielas oahppat, ávdedit ja adnet.

15 § Sebrudahka vásstet dan ávdås vaj giella aktugatttaj vatteduvvá 14 § milta.